

卷之四

山塘唱和詩

小引

時維八月節屆中秋適遇知非之賤辰謬荷高
朋之咸集雲間二俊竝欲投瓊林下諸賢都思
把臂或命呂嵇之駕或登李郭之舟慚無杜甫
之文章兼乏茅容之雞黍驚心蒲柳比類秕糠
乃同里諸君子雨中剪韭共扳車馬於江干月
下飛觴遂集珠璣於座上山塘畫舫縞帶爭馳
虎阜瓊筵笙歌欲沸德星聚於百里桂子落於

九天殆四美之幾兼五雲之欲奏者也撫茲良
會因憶舊遊癸巳修禊之年七郡論文之日
梅村年伯曾畱公讌之題辱有贈言之及今之
視昔媿與感并蘭亭之勝地依然桃李之光陰
非昨旣已情添俯仰能無興託篇章少不如人
敢學中年之關慮窮而有詠不禁秋候之長鳴
爰遵原韻四章先之瓦礫所望羣公屬和引以
琅玕

康熙甲寅中秋吳門宋德宸具草

宋德宸

谷臣字御之
長洲

首唱

謬附雞壇三十年慚無才藻動羣賢漫勞珠履殷勤
過敢托松筠意氣先此日幾同文酒宴他時共許笠
車篇肩隨莫比馮唐老拂拭鉛刀異割鮮

其二

蘭亭勝事幾經秋高會重逢憶昔儔上客侯嬴偏數

短

研德

宗工季札已仙遊

梅村年伯

鵲鴿抱痛終難釋

季弟

疇

關塞羈身莫解愁

赤崖漢槎

今日新知縱可樂回思舊

山塘唱和

雨倍離憂

其三

天香飄處聽吹笙五夜羣瞻列宿橫皎月清尊披佩
清林塘畫艦起謳聲忘年半屬通門子投分新看虎
觀英深幸兒曹真氣合不須割席見平生

其四

曾無東閣延賓客忽有雙旌到草堂投轄異扳十日
駕衝星恨返五更航高情已共雲山邈逸興還畱屐
齒香莫謂四郊多壁壘相期砥礪在文章

葉奕苞

九來
崑山

御翁宋老年臺先生五袞初度敬和山塘公讌

四章原韻

蘧瑗知非誕降年畫船文旆會神仙南皮勝事秋三
五北海朋尊酒十千黃菊傲霜人共澹紅葉出水句
爭妍追隨狎主齊盟日銅狄摩挲已惘然

其二

昔年修禊此尋秋文讌重開亦虎丘洛下衣冠誠世
好江東裙屐總風流深山望集陶弘景下澤風高馬

少游幾許苑枯車笠異多君不忘舊交遊

其三

絲綸世掌重西京紫閣黃扉待廣平君負高才稱肖
子人思潛德愧難兄九還丹鼎凝龍藥三疊霓裳和
鳳笙太史若占今夜瑞德星遙聚闔閭城

其四

謝家何止咏池塘玉樹森然更列行金斷未能忘意
氣珠聯真足擅文章觴飛瓊液南山下塵指桑田東
海傍愧附蘭盟來舊雨故人頭髻久蒼浪

陳

銳

穎長
吳江

次韻奉和

御翁老伯山塘原唱四首兼求 郢政

立幟騷壇憶昔年論文今復會羣賢祇看吟咏推安
石應識才華獨茂先鳳閣開樽書萬卷雞窓刻燭賦
千篇望隆海內功名盛試爲烹調似小鮮

其二

才如湖海氣橫秋江左文章竟寡儔此日名場重結
客當年仙棹憶同遊君多辭藻傳三絕人爲相思咏

四愁况是蒼生凝望切可知身係廟廊憂

其三

似水爭流木向榮東南星聚斗牛橫三千佳客真同
調五十清詩更有聲豈爲幔亭開錦繡好看蟾魄采
華英青雲白雉人相識應使寒窓意氣生

其四

粉署歸來憶選郎碎金積處幸同堂南州意氣曾懸
榻北海風流共引觴信是一時巾可折却令三日座
猶香知誰能作龍門客五鳳齊飛入建章

陳

鶚

霜赤
吳江

奉和

谷翁老年伯山塘原唱呈 正

采蘭被襖自年年勝事風流擅昔賢地屬名區應共
賞人逢玄度更誰先右軍亭子山陰榻短簿祠堂學
士篇俯仰古今還繼轍長空萬里月華鮮

其二

樽前一夕卽千秋氣合椒蘭盡勝儔授簡鄒枚慚
賦忘年孔李憶同遊雉壇人散敦槃冷虎觀經橫落

月愁從此南皮高會後楚騷不必動離憂

其三

彷彿雙成弄玉笙霓裳舞罷已參橫碧天月府瓊爲
宇白雪詞場玉有聲北海樽前皆上客西園集處盡
殊英廣平久擅人倫鑒兄弟文章啓後生

其四

初度初逢秋夜長三千珠履客登堂金尊綺席談傾
座桂楫蘭橈月一航華髮未愁潘岳鬢瓌姿如接令
公香遙知禁近池塘夢和到南山第幾章

姚夢熊

襄周
太倉

奉和 御翁老年臺先生虎丘讌集用 梅村

師禊飲元韻呈 正兼簡 性存義存昆仲

修禊追陪感昔年登山置酒繼前賢鳳麟文譽歸兄
弟臺閣聲華濟後先坐列青雲多勝友賦成白雪有
奇篇風流儒雅原無敵驅策詞壇逐射鮮

其二

廣平著述足千秋高會名區盡勝儔圖並西園增墨
妙尊開北海盛交遊賓朋聚散風雲態師友存亡今

昔愁明月一輪涼氣爽放懷譚笑已忘憂

其三

天上飛瓊奏玉笙風泉雲壑坐中橫百年文酒長爲
主羣從才華蚤擅聲共仰青松千丈色已舒丹桂幾
枝英秋山白社追隨處好把高懷起後生

其四

翩翩詞賦擬長楊管領風流步玉堂芝草不須誇謝
朶瑤臺豈復讓裴航才名籍甚京華早氣誼居然譜
牒香江左只今稱二宋行雲流水竝文章

沈

亮

舞功
吳江

次韻奉和

御翁年臺先生山塘讌集詩并祈 郢政

珠履翩翩少年樽開北海會羣賢鄴中聲價真難
定洛下才名最擅先花底執經聞妙義庭前叉手看
成篇鑄來利器干將在出匣清光一望鮮

其二

多才宋玉幾悲秋江左風流莫與儔剪燭西窓一夕
話獻書北闕五陵遊林間開宴皆名士湖上聽歌有

莫愁迴想昔年高會處琳瑯嗣響可忘憂

其三

銀河渺渺憶吹笙放艦微波水面橫接席賓朋俱世
誼天涯兄弟自求聲白公隄月圓初朗短簿祠雲輕
轉英快聽雄談驚四座耳邊酒後熱能生

其四

堦下鳳麟誠冠世殊方俊彥復登堂問奇爭載楊雄
酒並濟還投元禮航天遣漢翻銀雪滿山當秋動桂
花香陽春賦後難爲曲漫把巴渝試一章

汪

森

晉賢
桐鄉

甲寅秋日

御翁宋老年伯先生五表初度敬

賦四律呈

正用山塘公讌韻

華堂佳日聚羣賢瑞靄繽紛散綺筵復有蘭橈追襖
事可無綵筆染雲箋連峯蒼翠圍屏幃隔水松篁雜
管絃曾憶當時勞折柬良遊重失思依然

其二

吳宮遠望正高秋霜染丹楓萬木稠百里名賢星共
聚一時佳會月同遊鐘清古寺開龍藏燈亂長堤散

鷓舟風雅連翩兼祝嘏恍疑仙宴接蓬丘

其三

避俗新看竹逕成中庭玉樹總敷榮鳳毛每切將探
意驥尾徒深欲附情道路艱危悲戰伐萍蓬飄轉隔
嚶鳴湖山早佇烽烟靜追逐芳辰策杖行

其四

宋玉秋來興自長登臨天氣晚初涼襖遊故事存先
達文讌同羣有大方荻岸霜花全覆白梧宮風葉半
飄黃如歸賓客常投轄盡醉渾忘在異鄉

吳三省

曾傳
松江

恭和

御翁宋老年伯原韻并祈 郢政

壇坫驅馳數十年騷人勝事屬名賢畫龍那比崔亭
伯賦物爭推張茂先江左青箱尊舊德枕中鴻寶有
新篇三千珠履真高會恨少扁舟共擊鮮

其二

青山雅集對高秋詩酒風流實寡儔握管已同金谷
序懷人還想竹林遊樽前上客稱康樂簾外新聲奏

莫愁此日醉鄉天地好筆牀茶竈百無憂

其三

何用鸞簫與鳳笙一時文采正縱橫談天欲轉雲霞色擲地遙知金石聲緩帶微風蘭作珮披襟涼月桂舒英獨憐命駕輕千里未獲攀嵇說友生

其四

轉憶生平興頗狂于今蕭瑟且茅堂校書漫乞青藜火搥壁空憐朱雀航忽接荀龍珠玉澗欣逢郢雪齒牙香自慚寒女餘刀尺那向天孫擬報章

謝志發

翼雲
長洲

奉和中秋讌集山塘唱和詩四章呈

谷翁先生教政用梅村先生虎丘修禊原韻

白傅堤邊起暮烟波澄秋水映樓船掣鯨碧海看今夕倒峽宏詞憶昔年舊迹還畱池上石新知更羨坐中仙相逢重喜披心懷意氣傾人無間然

其二

詩成雅頌是良謀七里山塘續勝遊醉月恰逢秋夜月名流不改舊風流翩翩鳥履皆青眼籍籍英賢正

黑頭文力衆中誰最健淋漓觴詠滿林丘

其三

車馬江干貂紫輕偏師賈勇向詩城談無俗調追彭
澤酒浥幽懷擬步兵清磬數聲蕭寺晚新鴻幾點玉
關情膏肓惟有吟魔在却愧波瀾未老成

其四

藝窮百中羨穿楊開府參軍聚一堂秋到半塘香有
桂歌當子夜句盈箱天高氣爽澄蘭沼斗轉星移泛
羽觴投報不辭歡更極儘教清濁在滄浪

張

適

崔民
長洲

山塘倡和奉次

谷老年道翁先生原韻并祈 教正

藝苑聞聲已有年達夫詩譽更推賢才名奕世如公
序博識高懷似茂先北海樽開顏玉酒南華人進養
生篇乘閒策杖雲深處折得天香色倍鮮

其二

雅集山塘恰素秋况逢羣彥竹林儔蘭亭昔日傳高
會桂擢今朝續勝遊夢艸獨淡棠棣感停雲惟切友

朋愁休傷往事生離思酌斗真堪散百憂

其三

風飄何處紫鸞笙河漢微雲澹澹橫燭燦已堪開夜
氣月明共聽起秋聲露華點點垂金粟橘實纍纍綴
綠英不覺興酣忘漏永高歌一曲快平生

其四

真是廣平能好客飛觴醉月聚星堂銜花鹿至供瑤
席載雀人歸繫野航痛飲漫叨名士宴劇談欣接令
公香倡高白雪難酬和句拙淡慚作報章

陳

畱

天侯
崑山

甲寅中秋諸同人公祝 御老道長兄畱讌虎

丘余以他事未赴敬次原韻呈 政

緬想風流二十年登堂重覩集羣賢松枝歲古凋還
後瓊樹庭芬羨獨先彥會未能偕酒賦高情如見在
詩篇思將良覲占願養應比紅顏色更鮮

其二

別後相思幾度秋柴門寂寞少朋儔非關意氣嫌時
輩爲覩風光異舊遊雲暗溪頭人自遠鶯啼谷口景

添愁扁舟何日還堪駕葑水橋邊一訴憂

其三

昔年春暮聽吹笙今日秋高雁影橫坐上羽觴誇曲
水夜深絲竹厲清聲鶴棲幽澗還聞唳鷗泛無心獨
與盟相見那堪追往事願言攜手學長生

其四

良朋百里勸飛觴綺席流連列畫堂高館華鐙方醉
客繁絃急管競移航月畱石上人俱靜露漉花枝夜
有香自笑野人遺勝事空將傳誦著篇章

葉舒崇

元禮
吳江

奉和

宋老年伯五十壽讌詩呈 正

畫堂進酒夜如年座上風流繼昔賢蕙草採時當雨
後梅花賦就在春先分來東壁藏千卷讀罷南華悔
幾篇漫道凌雲猶未奏露珠消渴正澄鮮

其二

此首謂梅村
先生燕集事

一觴一詠幾春秋袂褱名流未易儔畫舫銀鐙等曲
讌青山珠履問佳遊祠憐短簿春風遍人到長洲暮

雨愁正憶昔年吳祭酒醉中搖筆坐銷憂

其三

此首兼憶
侍郎公

洛濱仙子正吹笙笑說荆株紫氣橫曾記花磚朝顧
影佇看革履夜聽聲風雲天上新紆畫烟月江東舊
主盟此日北書聞雁到池塘春草隔年生

其四

勝侶招攜日正長彈碁捉麈曲堂堂雲山興到憑雙
屐詩酒閒來縱一航自有門風同謝傅可知國士屬
黃香謂性存
昆仲斑衣不是尋常舞會著宮袍出建章

吳

藹

虞升
吳縣

奉和

大母舅先生生日讌集用梅翁上巳韻

童穉曾聞修禊年後生仍喜逐前賢楷模無恙李膺
在品第誰居王勃先酒熟趣成金谷句桂香添得小
山篇白隄風物今猶昔祭酒題名墨尚鮮

其二

提挈聲華三十秋廣平風誼壓朋儔幾人借齒成名

士何限開尊志勝遊啓事山公寒峻喜

謂少
宰舅

賦樓長

吉故人愁

疇三
舅

惟翁富貴行年及莫謾關情樂與憂

山塘唱和

其三

縹車雄辨咽簫笙塵尾交飛列宿橫日下雲間闌入
坐輪轅賓從聽無聲月明此夜披襟帶人澹于秋對
菊英斗酒寸心傳健筆只疑爛熳粲花生

雲間錢越
江戴蘿軒

婁東唐實君松陵計希文
俱卽席有詩詞數體索和

其四

爲性存義存聲
求遜修諸兄弟

羣從難分大小宋封珣遏末亦同堂天倫樂事三荆
茂異地新知一葦杭家本烏衣皆似玉忠畱青史有
餘香過江才地端相屬座溢瓊瑤是報章

金之鑛

玉式
吳縣

山塘和韻呈

正

執耳詞壇溯有年槃敦猶在憶前賢羣英咸集堪鼓
舞勝地重來敢後先棣萼榮分揆宰席蘭茗才賦帝
京篇拈題競出驚人語酒過三巡又擊鮮

其二

良朋攜手恰中秋遙想當年李郭儔裨日風流成往
事碧霄烟月幸同遊琴彈流水傷新調賦就凌雲起

舊愁我亦自憐兄弟鮮河干縞帶得忘憂

其三

月下聞歌又聽笙畫船燈火正縱橫銀河亘耀星辰
影金谷遙傳唱和聲刻燭待題嵩嶽誦開樽已泛菊
花英吳儂莫訝才名盛搦管從來五采生

其四

君家簪笏舊盈牀蔣逕重開客滿堂展齒遙臨欣附
驥贈言懃摯送歸航冰桃雪藕千年宴玉樹珠蘭一
室香大小科名應迅發廣平詞藻麗天章

顧

藻

懿樸
長洲

奉和 大母舅山塘讌集詩恭呈 覽正

井梧新拂露華鮮碧渚初停載酒船列坐飛觴忘少
長高冠大屐盡神仙沈寥桂子當筵落突兀蟾光挂
塔圓此夕庾公多逸興錦囊佳句足流連

其二

斑管題詩最上頭當年祭酒盛風流依然鐘磬飄孤
石又見軒裳集二丘千里駕來叢桂晚五湖船泛藕
花秋樽前且莫思陳迹金石相期續舊遊

其三

渭陽物望斗杓橫模楷由來座盡傾賦就梅花三日

事謂內父夢迴春草十年情謂三先母舅如公久擅元方

譽自爾爭馳驃騎名莫向溪山問烟月好從紅燭話

西清

其四為性存義存聲求遜修兼示吳虞升慎旃葉鳴上諸子

絲竹追陪展齒香庭除列樹玉成行典型向譜金蘭

舊藻耀新飛紵帶長相宅自慚輸魏子謂虞踞牀

欲讓王郎慎旃四難五際真佳話欲報惟看有七

徐樹穀藝初

中秋山塘讌集詩錄呈

御翁老年伯教正

虎阜秋容向晚妍况逢秋半月橫天無風桂子當筵

落不夜池光浸塔圓匝地笙歌隨選石近人鷗鷺並

移船薄遊難得良朋共每望停雲一惘然

其二

延清閣閱冠南州潛德羣推第一流九品人才歸月

旦百年文獻在陽秋遽瑗垂老忘非是陸賈為歡有

山塘唱和

勸酬執友通門同日聚可能佳節不淹留

其三

烏衣羣從擅才名特達珪璋琢不成脫穎早傾諸父
客飲醇偏篤素交情便邀蠟屐穿林坐更泛蘭橈隔
浦行山水人文都勝絕涼蟾永夜爲誰明

其四

南皮北海盛文章佳會千秋定頡頏蓬艾已欣羅蕙
畹駃騠終愧逐飛黃圍棋鎮靜才原大擊楫澄清態
未狂異日登臨重念舊題名多在贊公房

葉

楠

芥舟
華亭

用梅村先生韻和

谷翁老伯山塘讌集詩并祈 教正

山含黛色樹含烟水拍銀塘乍泊船好景正逢秋半
月清談不讓永嘉年繁音互奏聲如沸勝侶同舟望
若仙回首舊遊多盛事老成雲散意凄然

其二

盍簪意氣本相謀海湧峯前續勝遊龍劍千年銷霸
氣烏衣隔代擅風流紅燈簇處舟銜尾白露團時月

滿頭高會不殊修禊日幽懷聊復寄林丘

其三

楓岸烟波桂楫輕張筵遙望闔閭城東山絲竹堪攜
屐南國烽烟待洗兵楓葉漸催騷客賦錯刀真見故
人情占星此會真堪紀屬和陽春次第成

其四

棲鳥三匝繞疎楊旋見水輪照講堂接屐名流皆白
袷操觚年少並青箱目成北渚遺仙珮心賞南皮命
羽觴勝地良辰應不隔盈盈一水接滄浪

王廷機

衡士
華亭

和 谷翁年伯山塘讌集詩呈

正

秋堤叢桂散巖烟盡泊名流書畫船選勝溪山同命
駕論交爾汝欲忘年笙歌峯頂邀明月詞賦人間重
謫仙還憶當禊事一樽憑弔意茫然

其二

著書日與古人謀興至攜樽續舊遊茂苑鶯花仍爛
熳蘭臺寶從盡風流珠簾畫舫來清夜紺殿疎鐘在

上頭正是中秋好月色莫辭麗藻灑林丘

其三

夕陽秋水浴鷗輕翠憶芳橈競繞城遠樹樓臺真似
畫短衣樽酒半談兵久消虎阜英雄氣無恙雞壇縞
紵情今夜玳筵紅蠟底誰人叉手句先成

其四

山亭微雨灑垂楊傾蓋論心共一堂勝地林巒重秉
燭高才詞翰盡盈箱興來欲斫冰輪桂醉後還飛金
谷觴指點畫橋歸路晚權歌無數起滄浪

吳

鏘

聞璋
吳江

谷翁老年臺壽讌山塘和韻呈

正

吳下風流憶往年廣平羣從盡名賢難兄競比三珠
秀介弟爭誇一著先勝事每同金谷讌揮毫再和永
和篇堂餐好寄天廚饌火棗交梨取次鮮

其二

良宵三五是中秋賓主東南第一儔有客餘杭來進
酒幾人茂苑話重遊芳洲錦席邀無忌畫鷁蘭橈坐

莫愁聞道甲兵今震地不知何處有離憂

其三

羨君高臥拂桃笙常憶遙天雁影橫看去階除都玉
立擲來詞賦作金聲廿年風雨三秋思千載雞壇一
日盟記得梅村成故事何時石畔悟前生

其四

銀燭珠盤笑語長清秋高會此華堂劇憐東閣論文
日更卜西園載酒航半壁何人推地主小山招客有
天香自慚奕世通蘭譜細寫蕪詞和九章

趙

澣

山子
吳江

谷臣年道兄五十初度公讌虎阜招余未赴寄
示感懷之作依韻奉和

東亭池館記當年畫舫清尊景昔賢御史忠貞應有
後司農事業更誰先難兄獨抱凌雲志羣從爭吟自
雪篇玄鬢未凋還獻壽華燈偏照舞衣鮮

其二

山塘風月正清秋公子張筵集勝儔一日敦槃千古
事六朝裙屐百年遊每因佳會憐同調不覺懷人起

暮愁折簡相招余未赴嚴城鼓角動離憂

其三

金尊銀燭坐調笙極目長空斗柄橫歐冶城頭秋有
氣鷗夷江上夜無聲三吳賦稅看杼軸四座詞鋒幾
俊英年少及時須努力好將憂樂繫蒼生

其四

路隔蓬山鶴夢長梅村塵鎖讀書堂金風愁逐雙丸
駛銀漢慚無一葦航曾記談傾劉尹座可堪客散鄭
公鄉蒼涼眼底分今昔宋玉新詞續九章

吳兆寬

弘人
吳江

御老長兄五十初度同人讌集依韻奉和

山塘憶昔論交年爲有蘭臺兄弟賢江左風流真獨
擅中原槃敦更誰先畫船重繫亭臯纜白雪還追學
士篇俯仰登臨數載後依然人月倍澄鮮

其二

曾投縞帶歷經秋爲問林間嵇阮儔座上幾看耆舊
在樽前半屬少年游窮邊勞我池塘夢

謂漢
槎弟

宿草憐

君棣萼愁

謂疇
三

最是京華宵旰日侍臣獨繫廟堂憂

山塘唱和

謂蓼天
司農

其三

絳紗列處奏詩笙

懷梅村先生

都講譚經席上橫一自小

山依桂樹每調法曲聽鶯聲蘭亭當日傳詞賦梓澤
何人會俊英此夕酒闌重感舊便因悟石話前生

其四

葑水門高氣誼長恰逢初度共登堂却分珠履三千
客並載金尊四五航華月映簾秋似水瓊枝照席袖
餘香正誇玄鬢相看好可愛南山續和章

張

圻

邑翼
崑山

御老年道翁榮誕讌集虎丘奉和原韻呈

正

回憶南皮已廿年羨君兄弟最稱賢三珠樹秀無高
下七步詩成見後先春暖浪鰲舒錦甲歲寒松柏重
瑤篇洛中此日推耆老拭目江干車馬鮮

其二

感時惜別賦三秋幾許悲歡念侶儔地角天涯洵遠
望玉樓金闕異翺遊書城自傲王侯樂祀國何勞人

山塘唱和

世愁鳩杖扶看歌既醉雲璈倚聽政忘憂

其三

子喬緱嶺夜吹笙璧月團團銀漢橫
劍氣一池蹲虎色山塘七里踏歌聲
到門爭識東吳望投轄還畱北海英
只有張衡辜勝集遙賡白雪遡平生

其四

莫疑此日烟霞客早有詞華動廟堂
醉後喜招月下飲興來閒泛雪中航
風臨玉樹當庭發花拂瑤琴滿坐香
柳色金閨時眺望百朋我錫在篇章

朱

整

冠南
吳江

谷老年道兄揆辰集同人於虎阜追和 梅村

先生韻

同人爭著祖生鞭才望如君意退然香續繡衣書
萬卷花開瓊樹穀千年增修詎有非堪覺寡過嘗因使
以傳此夕勝遊慚未赴月明欣見瑞星圓

其二

名山風月正高秋天遣詩豪共唱酬
大雅人琴遺韻遠清狂文酒聚星稠
廣平鐵石偏能賦宋玉登臨解

山塘唱和

送愁倚樹燈花樓閣外笙璫縹緲碧雲頭

其三

大宋由來天下名出潛猶復重行行箎音吹徹賢臣
頌鶴和驚聞是子鳴山水入絃堪抱膝蒼黎引領合
調羹釣璜溪畔稱年少笑指神仙卽俊英

其四

把酒論心鴛水傍蒹葭極目意蒼茫延丘偶憩聯鴻
羽虎阜遙看泛鶴觴地近幾驚芳草色跡疎常挹麝
煤香酣歌自笑巴人句爲欲偷桃老更狂

吳康侯

建德
嘉定

御翁年臺山塘公譙次韻呈

教

不知今夕是何年槎泛銀河記昔賢丹度小還九轉
後著推大衍兩儀先龍門並獻靈椿賦虎阜羣歌伐
木篇好上雲霄看玉兔霓裳露影正澄鮮

其二

一聲長嘯氣橫秋千里相期嵇呂儔自是西園風雅
集非關南陌少年遊青天放眼來孤鶴綠水當筵解

四愁樂事只今餘
縞帶無須竹葉更消憂

其三

此日交歡叶鳳笙
舞裙歌扇畫船橫
千株官柳當年色
一笛梅花前度聲
屈指蘭亭已往迹
卽看藝苑又新英
歲寒期有青松在手
把吳鉤意氣生

其四

三鳳才名推栢府
二難詩禮繼槐堂
萊衣舞處爲雙璧
謝玉攜來共一航
烏鵲乍回花外影
青鸞還帶月中香
台光此夜聯南極
酌酒遙瞻天漢章

王

翊

翰臣
嘉定

御老年道兄初度同人讌集虎丘敬次原韻呈

正

公車兄弟記同年
曾接前賢與後賢
三世交情元自重
兩朝文體並從先
久傳白雪陽春調
更好黃庭內景篇
鳳髓麟胎堪上壽
由來丹竈善烹鮮

其二

百年方半又中秋
花月山塘集勝儔
金谷篇章懷舊侶
玉堂人物憶同游
名高當代稱無忌
曲有新聲付

莫愁管葛卽今方倚重不須更爲世途憂

其三

廣寒高處奏銀笙參斗今宵却易橫月到詩邊秋有
韻風來歌昨夜無聲連枝艷發瑤花蕊嫩葉新生玉
樹英想得平安天上語略貽書札話長生

其四

別來抱影在山莊時有遐心上講堂月下偶然迷去
棹雪中元未泛歸航蓮花更待金風發桂樹偏含玉
露香鳳閣聲名烏府業相期不獨在文章

嚴德屋

麟洲
常熟

奉和

宋老伯虎丘文燕原韻求正

風流不讓永和年文藻千秋更後賢短簿祠碑猶草
際香山堤樹老霜先罽袍緩脫黃金勒樂府初翻白
苧篇何幸梁園末座客喜瞻彩筆五雲鮮

其二

巖桂香飄碧樹秋蘇臺風雅屬吾儔紅螽倒吸三年

別

壬子秋諸同人
汎舟虎丘

青眼重逢十日遊秋水明霞分爽氣

暮天新雁起邊愁吳閫自古繁華地妙舞清歌一解

山塘唱和

憂

其三

誰倚紅樓吹玉笙遊人一聽思縱橫秋雲隴外移峯
影木葉亭臯作雨聲節使行營方下檄 詔書異格
且求英尊前樂事殊難再金谷詩成待月生

其四

一曲歌殘夜氣涼銀鈎深下莫愁堂出雲清梵鳴鐘
閣綴月繁燈載酒航畫棟珠簾名士賦謂咸中江籬岸
芷美人香性存昆仲郢詞莫訝高難和先輩才華重孝章

潘

耒

次耕吳江

甲寅冬日

谷翁老伯見示虎丘讌集四律并

同人酬贈之作用韻奉和求 正

山塘秋淨水無烟十里笙歌緩放船論舊隔年杯重
把懷人永夜月同圓劒池樹老吟龍下鶴市雲歸臥
佛前幾許賢豪曾此醉江山無恙墨華鮮

其二

三吳人物過江畱近郭林泉處處幽風俗昇平誇宴
會衣冠上日美遨遊于今海嶠愁青犢此地漁洋穩

白鷗容得名賢乘興到短簫橫遂送清秋

其三

雕龍炙轂漫縱橫風雅誰當狎主盟花萼才名歸二
宋大山清譽屬難兄黍丘年望人倫重雀桁兒郎項
領成百里賢人同日聚文星應比歲星明

其四

露華如水促傳觴中坐揮毫有報章鴈柱鷓絃齊按
壓雲情月思共蒼涼別圖雅集初成卷自寫蘭亭細
作行逸韻迥畱山水際千秋俯仰亦同堂

秦日新

映碧無錫

依韻集唐人句奉和

谷翁先生山塘燕集

四章

冰雪容顏桃李年

武元衡

策名飛步冠羣賢

劉禹錫

為文

無出相如右

韓愈

謀帥難居卻毅先

前人

玉白花紅

三百首

杜牧

水曹雲閣往來篇

賈島

如今再結林中

社

李涉

江上雲亭霽景鮮

李郢

曾負秋風多少秋

韋莊

不甘草木我為儔

李自

閒來

石上觀流水

李洞

攜手城南歷舊遊

韓愈

半夜燈前

十年事

杜荀鶴

一谿雲作萬重愁

趙嘏

更聞橫笛關山

山塘唱和

遠李益弱冠同懷長者憂劉禹錫

白家詩思咏吹笙徐凝烟外山低翠黛橫韋曲仙界

日長青鳥度劉滄柳堤風靜紫駟聲元稹霏微羅縠

隨芳袖陳標顛倒青苔落絳英韓愈聞道輞川多勝

事岑參幸容堦底禮先生王建

但得身閒日月長許渾坐窮今古掩書堂前人鶯聲

報遠同芳信盧綸魚躍翻來入綵航張說詞藻世傳

平子賦皇甫冉風流三接令公香李頎花前每被青娥

問杜牧莫奏開元舊樂章薛逢

殷重藩吉生
崑山

奉和

宋老夫子山塘唱和原韻并求 削政

騷壇遺響重當年吳下羣推夫子賢御史風雲憑繼
後春卿雨露有誰先冰心直比梅花賦浩氣還同秋
水篇八月魚龍江上寂驪珠光逼動澄鮮

其二

微微仙樂奏清秋紫極真君會鳳儔七里陂塘花下
過四山樓閣月中遊當筵公子名無忌迴舞佳人喚

山塘唱和

莫愁一曲宜男雲外轉天涯芳草豈忘憂

其三

何處閒吹子晉笙謝家池館斗初橫月明天半翔雙
鳳白雪陽春和一聲盡是龍門題柱客同來虎阜會
耆英白公堤上花如錦自有深心感友生

其四

鹿城孺子何堪教百里來登虎觀堂定許執經隨曉
帳先期問字泛春航到門不盡琴書韻繞院惟聞水
雪香更喜亭亭雙玉樹臨風紫綬照金章

徐喈鳳

竹逸
宜興

奉和

谷臣老年道翁山塘唱和用梅村先生韻呈正
勝集經今隔廿年廣平席上憶前賢詩文冑落黃初
後人物還推元祐先月湧塔光開醉眼山浮劒氣助
雄篇風流自昔稱江左蘭譜新添姓氏鮮

其二

恰逢佳節是中秋坐列詩儔與酒儔吟向澗邊尋舊
韻醉於石上說重遊真娘墓古孤松老短簿祠荒野

鶴愁惟有冰輪十分滿年年此夕解人憂

其三

坐有佳人弄玉笙琵琶更向膝前橫指纖暗度清秋
曲絃促新翻子夜聲倚石和歌飛白雪把杯摘桂泛
紅英飲酣還惜當頭月圓缺陰晴問竺生

其四

同學少年今半老誰能聞道已升堂詩書競說青雲
路身世虛乘碧海航但坐觀泉塵外趣便行折桂性
中香斯文領袖淡相勗不在區區和短章

管正儀

元翼
長洲

奉和

谷翁老妹丈壽讌詩并正

冉冉秋光照露田仙槎齊泛白隄前飛觴何減蘭亭
會作賦爭誇鸚鵡篇異地連茵真氣誼分曹射覆總
名賢相逢莫問塵凡事知爾山中不記年

其二

君家先德砥中流想像人琴歎未休望重南金上苑
貴節高東土栢臺秋浮生謾說莊周夢逸興還尋李

郭舟此日才華推宋玉吾儕誰不頌箕裘

其三

多難多災痛此生應劉俱逝也傷情玉盤餚滿難施
箸金甕醪多忍舉觥客做栢梁得上坐主悲鄰笛發
商聲秋風一曲誰嗣響彩筆淒淒動落英

其四

弭節中流晚更芳已知菡萏襲人裳連鑣二妙真裴
秀緩步千嬌是泰娘嫋嫋笙歌消永夜重重縞帶照
寒塘當筵共獻南飛曲我亦隨聲作報章

徐允哲

西崖
上海

山塘讌集和韻呈

正

銀河倒影散晴烟勝地秋光好放船海內賓朋仍此
夜天涯歌舞憶當年閒題丘壑詩爲聖縱飲乾坤酒
亦仙不得追陪良宴會月明回首一凄然

其二

頻年家食稻粱謀茂苑烟花感舊遊交憶張雷增意
氣人懷嵇阮獨風流歌當白雪關情處坐愛青山最

上頭千載霸圖成往事醉看斜日下林丘

其三

震澤波光一棹輕秋風吹遍闔閭城應徐詞賦稱同
調關塞烽烟正用兵高臥謝安多雅望乞歸陶令恰
閒情徵歌選妓林泉事金谷詩篇媿不成

其四

半山蒼靄鎖垂楊剩有生公舊講堂吳苑樓臺歸白
社王家第宅本青箱清絲月下堪移席橫笛風前促
舞觴見說五湖秋思逸扁舟歌詠入滄浪

彭瑞世

夢見
婁縣

中秋讌集山塘追和 梅村先生上巳四韻呈

政

落水平臯散遠烟蓼花灘淺泊溪船誰言吳苑清秋
夜不及蘭亭修禊年拍罷紅牙初度曲坐來青嶂擬
遊仙瓊筵敞處觥籌亂縞帶爭投意渺然

其二

追歡秉燭亦良謀畫舫斑駁續舊游匝徑花香飄步
障橫空山色枕溪流聚星百里爭連袂踏月三更到

上頭傑閣凌霄松拂澗探奇試與問丹丘

其三

蒼葭繞岸緒風輕野店山橋總面城路出橫塘還載
酒人傳遠戍未銷兵當秋合著潘郎賦憂亂常含杜
老情猶喜三吳文酒地村農擊壤話西成

其四

湘簾碧檻隱垂楊銀燭輝時勝畫堂鏤管分題花入
夢檀槽低摩玉爲箱良辰幾遇中秋月高會真同河
朔觴信宿閨門還蕩槳漁歌一曲似滄浪

鄒震謙

乾一
太倉

御翁先生壽謙虎丘卽事賦詩余以病阻未赴

敬次原韻四首呈 政

修禊山塘已廿年又聞秋半集羣賢青雲意氣無今
昔黃絹才名孰後先結友共申車笠誓留賓還咏繫
維篇座中定有生花筆秀奪芙蓉照日鮮

其二

素裕涼輕正九秋竹林好聚阮嵇儔君移畫舫誇佳
會我對寒檠想勝遊抱病韓弘偏畏客懷人杜甫亦

含愁何時握手生公石坐月聽歌散百憂

其三

金管銀箏間瑟笙觴飛綺席到星橫廣場獨擅人間
勝法曲爭傳天上聲八邑新知多俊彥三吳舊雨半
耆英遙思拂塵高談處滿座霏霏玉屑生

其四

庭前玉樹盡班楊曾荷聯車過草堂別後每懷元伯
約興來却阻子猷航此時蘭譜賓朋盛他日花磚姓
氏香獨有東山高臥穩同人交進九如章

潘鍾阜

救蒼
松江

山塘讌集用梅翁韻呈

正

峯頭縹緲鎖雲烟秋色平分秋水船處阜尊幽欣勝
地蘭亭修禊憶當年機雲作賦才如錦李郭同舟望
若仙良會未逢懷舊雨吟成欲寄意愴然

其二

千秋大業共誰謀異地追歡足勝遊月照層坡迷黛
色楓鳴兩岸夾寒流江山到處還青眼縞紵相逢笑

白頭他日彈冠真不負壯心未許寄丹丘

其三

秋水空明鼓棹輕秋風吹徧闔閭城雲開青嶂迎冠
佩露下天河洗甲兵翰墨流傳驚絕唱尊絲獨酌動
離情鄒枚雅善梁園賦醉月飛觴句自成

其四

盛名當日賦長楊歸去來今臥草堂壇坫中原標赤
幟鼓吹風雅擅青箱賓朋擬續南皮讌談笑何辭北
海觴最是陽春彌寡和杜陵詩句半滄浪

沈永令

文人
吳江

御老年道兄五十初度讌集虎丘追和梅村先

生襖集舊作次韻呈正

重感山陰修禊年蘭亭觴咏集諸賢歌聲響遏遲雲
久波影光搖得月先閣下梅花偏入賦郢中春雪和
成篇劔池一洗烟霞色長映題崖墨絲鮮

其二

桂子香飄萬壑秋湖山笑傲屬吾儔雲間鳥履俱名
士吳下樓臺愜勝遊絕塞羽書通戍夢深閨錦字謾

緘愁年來戎馬紛郊壘擊楫誰紆東顧憂

其三

兩部雲璈雜管笙鴈行嘹唳碧空橫烽傳越嶠千村
警濤滿胥江萬馬聲畫舫銀鐙今夜集清泉白石異
時盟諸君雅量饒紆畫莫使秋霜入鬢生

其四

專憶
梅翁

猶憶花磚晝漏長西清罷直玉爲堂春明藜閣三年
夢秋水梅村一葉航遺稿幸無封禪草返生誰覓月
氏香游仙莫悵丹臺杳已識高名署寶章

王錫卣

文人
晉江

奉和

御翁宋老年伯山塘讌集四韻兼求教

正

獨慚張緒正當年還喜龍門謁大賢地望荀陳清得
似才名燕許鬱相先華堂歌舞歡初度曲水瓊瑤接
舊篇三島不曾身與讌幾回翹首紫雲鮮

其二

故園望斷况高秋異地偏逢玉筍儔金馬先人隨棣
萼璧池小子傍丹丘登堂絳帳新承渥入座絃歌舊

惹愁遙想山塘明月夜應憐羈旅動深憂

其三

虎丘簫鼓間吹笙綺席晶燈彩鷁橫月照疎林秋樹
冷風來古寺暮鐘聲半塘菡萏枝應老兩岸黃花綻
幾英最是璧奎當夜聚金尊催動筆花生

其四

金門已佇江都策華藻終須賁玉堂並使郊祁齊瑞
世不妨李郭共仙航杯濃琥珀流霞艷衣拂姮娥掇
桂香喜得夜光來照席聊將瓦礫報佳章

沈受宏

白臣
木倉

中秋虎丘讌集追和梅村先生上巳韻四首呈

正

七里塘邊水似烟玉簫金管繫蘭船中秋月色逢今
夜上巳風光憶往年地本荀陳傳子弟人仍李郭羨
神仙延陵學士題詩在遺墨淒涼一愴然

其二

養子人稱孫仲謀宋家兄弟喜同游兩朝門第承先
達四海衣冠接勝流動業異時消驥足聲名早歲負

龍頭天邊誰識干將氣寶物由來萃虎丘

其三

峯泖人才畫舫輕清秋登眺闔閭城前賢風俗高文藻久戍鄉園慣甲兵兩郡論交賓主約一堂拜母弟兄情昔年顧陸今猶在小杜居然一老成

其四

當時文體重王楊聞道賢豪共一堂近代騷壇爭赤幟後生書卷廢青箱梁園整頓新裁賦洛社追尋舊舉觴努力相期憑少壯座中老輩髮蒼浪

宋實穎

既庭長洲

御老五裘初度同人讌集山塘賦詩次

梅翁

原韻

并序

余與御之蓼天兄弟少同硯匣長逐名場王謝烏衣羨一家之玉樹郊祈鳳彩攀兩地之秋香揮塵論文登樓置酒會稽之竹箭俱來薊北之驂騑並至名斯盛矣道亦宗焉既而杏苑看花一枝獨上池塘夢草愛弟長辭京華則冠蓋如雲里舍則蕙蘭交歎仲也開平津之閣入主銓

衡伯兮居紅葉之村出隨文史五陵衣馬方誇
射策之期三壽作朋不覺假年之至時維八月
序屬九秋晴雲與朗月齊飛車馬偕樓船共集
俯今追昔延陵之詩酒依然有唱斯和宗袞之
雅歌茂矣余也推遷塵事潦倒浮生北海之視
曹公方過犬馬杜甫之與高適幾降庚寅聊附
短章用抒微尚豈必對孺人而顧才子脫畧公
卿庶幾拊絲竹而聽管絃老隨几杖云爾

其一

舍南舍北共風烟老大才名元禮船青眼漫看山阮
後鳳池爭讓庾徐年京華難弟開東閣珂里賓朋盡
酒仙月皎銀河雲物淨延陵觴咏轉依然

其二

繡衣持節幾經秋總角曾隨長者游

戊寅余科試江
上得晤侍御旭

翁老伯獎
許甚至

一自機雲陪雒下

余壬辰乙未計偕俱
與右疇同舟北上

到

今兄弟擅清流右軍婚嫁期中歲高適詩名尚黑頭

惟我與君稱老健當年二宋在雍丘

右軍五十誓墓
不求仕進高適

五十學詩元憲景文二公稱
大小宋吾祖自雍丘南渡

其三

涼風朗月畫船輕
簫鼓還經亞字城
渠意滇池興帶甲
翻令吳會遠徵兵
角巾羽扇談遺事
桂子黃花澹客情
夜半笛聲何處起
酒闌燭跋夢難成

其四

薊苑羣空意氣揚

性存姪拔貢入都方歸

歸來重整舊山堂

庭前玉樹看儀鳳
吳下班荆勝服箱
一日偶隨羣季長

三秋還舉故人觴
莫言壇坫多同異
努力清時在報

章

一云轉盼廿年添俯仰池塘春夢涕浪浪○是日雲間杜九臯戴蘿軒錢越江諸君咸在座

李聖芝

秋森嘉定

敬次山塘公讌韻呈

谷翁老先生 正

蘭亭襖席憶當年
勝譽慈明上昔賢
三策誰居嚴助右
一鞭難著祖生先
澄清自有匡時略
偃仰今成樂志篇
料得鹽梅綸綍近
和羹良法在烹鮮

其二

宋玉深情托素秋
湖山觴詠共良儔
交情牢落當歌密
世味蒼涼秉燭遊
叢桂由來招隱士
芙蓉終古動

邊愁棟華幸展支天手南服都忘杞國憂

其三

紫駟嘶罷坐調笙短簿祠前暮靄橫戰伐吟懷通劍
氣黍離歌管動秋聲百年壇墀餘明月千里交游半
落英堪羨名卿能結鞵眼前知遇幾王生

其四

霓裳月下泛霞觴勝賞真追綠野堂佳話千秋賢博
望仙遊連夕羨裴航伎場弔古登臨逸酒市懷人嘯
詠香聞說相如能喻蜀凌雲還奏舊篇章

董

黃德仲
華亭

山塘公譙和韻呈

正

秋山空翠散晴烟簫鼓沿溪泛畫船賓客盡看吳苑
月風流獨溯永和年人稱顧陸原多俊地傍蓬瀛本
是仙回首西州人已渺不禁雙袖淚潸然

其二

霸業全荒伍相謀獨畱片石竹林遊千年劍氣龍潭
隱一曲吳趨鷺嶺流錦纜畫牽紅蓼岸水輪夜轉碧

山頭游人競說真娘好杯酒何曾醉古丘

其三

青翰舟隨五兩輕白蘋花繞闔閭城臨流燈火臯橋
市隔岸旌旗遼海兵避地未申梅福志開樽但見孔
融情蘭臺兄弟原名玉紅蠟初燒賦已成

其四

吳江秋色滿疎楊明月徘徊下北堂樂令清言紛玉
塵潘郎瑤果麗金箱柘枝舞袖催詩思桃葉歌聲遞
羽觴每憶蘭臺仍昨日自憐短鬢已蒼浪

朱枝發

德遠
松江

谷翁老伯壽讌山塘和韻呈

教

山岸遙籠桑柘烟半塘初泛木蘭船昔時文酒空迴
首乍合賓朋各問年鶴澗晴光堪入畫龍津高宴擬
登仙由來詞客銷魂地一望蒼波更渺然

其二

人生漫道百年謀清夜無如秉燭遊隔岸輕颺揚脆
管半林殘葉趁溪流長虹晚掛秋雲外浴鷺晴翻古

渡頭步屨暫攜筇往蹟霸圖回首已山丘

其三

暮靄依微宿霧輕千家燈火出江城且全嘉客娛觴
詠莫向天涯問甲兵泛渚袁宏多逸興聞歌子野獨
深情樗材自喜相依切車笠交從傾蓋成

其四

一時綵筆盡班揚介壽全登君子堂到處溪山容極
目投來縞紵遍行箱露凝斗轉還移棹主勸賓酬互
舉觴刻燭分題饒樂事醉中詩思更淋浪

陳維岳

緯雲
宜興

奉和 谷翁先生壽謙虎阜用吳祭酒禊集韻
求政

三月姑蘇草似烟東風小泊木蘭船飄零尚記繁華
里落拓虛過少壯年共說楚臺推賦手重來吳市索
神仙開軒細把羣公作俯仰終篇一惘然

其二

眼前花月是良謀况復聯翩總勝遊千載高歌人倚
和六朝遺事水空流感時脫帽評中聖懷古憑闌坐

上頭愧我十年真浪跡虎溪何日築糟丘

其三

翩翩公子錦裘輕把臂論交在鳳城狂客銷憂工擊
鼓書生挾策畏談兵青袍白馬何年事脆竹清絲隔
世情哀樂無端交集處江淹才盡句難成

其四

清華才藻軼班揚棟萼相輝共畫堂懷舊心情繁鐵
笛感恩書札雜巾箱金昆今日榮題笏南郡當年憶
舉觴杖屨翛然松竹畔好臨高阜濯滄浪

孫永祚

子長
常熟

次元韻二律奉祝

御之老社兄粲正

侍御家風殉烈年英英麟鳳產諸賢雞壇鼓吹名居
上鴈序蜚鳴齒較先東國競推通德里南華初註養
生篇風流弘長堂前玉盡是芙蓉出水鮮

聞君高宴屆中秋余老難追珠履儔舊社回頭流水
去新知聚首月明遊共看聲氣躡躑盛且釋風塵瀕
洞愁見說廟堂難弟在堪師後樂與先憂

張

乘

聞大崑山

甲寅仲秋讀

御翁老年臺公讌詩敬和二韻奉祝并正

碧天吹動聽緱笙杖履相將紫氣橫千載風流續禊
事一簾花色照楸枰畫橈曲水初調管梁苑抽毫疊
主盟笑我十年空對菊地行從此識長生

梅花一賦壓長揚聞道新聲更擅場少弟修文歸侍
史二難銜月醉霓裳才誇開府摛詞艷思入參軍得
句狂屬和舞筵真不易獨畱白雪照高堂

書